



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-020-6/26**
Datum: **18.03.2026. godine**

«Agencija za vodno područje rijeke Save» Sarajevo rješavajući po zahtjevu podnesenom od strane JP «RAD» d.o.o. Lukavac za izdavanje vodne dozvole za ispuštanje otpadnih voda u recipijent, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola JP «RAD» d.o.o. Lukavac za privremeno ispuštanje komunalnih otpadnih voda iz javne kanalizacije, sa urbanog područja grada Lukavca, u prirodni recipijent.

Ova dozvola se odnosi na identificirane privremene ispuste okarakterizirane kao najvažniji:

REDNI BROJ	ISPUST	POLOŽAJ MJESTA ISPUSTA
1	Kolektor iz gradskog područja (40% otpadnih voda)	Krug „Sisecam Soda“ d.o.o. Lukavac, ispust u vodotok Lukavčić neposredno prije uliva u rijeku Spreču (X;Y) 6541613; 4931916
2	Fekalni kolektor DN600 mm (60% otpadnih voda)	Desna obala rijeke Spreče, između „Koksara“ d.o.o. i magistralnog puta Tuzla-Doboj M4 (X;Y) 6539963; 4933625

2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokalitetima ispusta i uz sljedeće uslove:

- 2.1. Da se objekti koji čine javni kanalizacioni sistem grada održavaju u ispravnom i funkcionalnom stanju u skladu sa njihovom namjenom i ovim Rješenjem.
- 2.2. Da se permanentno radi na razdvajanju postojećeg mješovitog sistema odvodnje otpadnih voda u skladu sa projektnom dokumentacijom, te da se prilikom izgradnje nove kanalizacione mreže projektuje i izvodi isključivo separatan sistem odvodnje.
- 2.3. Da se redovno vrši snimanje i kontrola stanja postojeće kanalizacione mreže. Ukoliko postoje ili se na bilo koji način na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrovati i što hitnije poduzeti aktivnosti da se isti priključe na postojeće gradske kolektore.
- 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to tehnički izvodljivo, vrši priključenje objekata na kanalizacionu mrežu.
- 2.5. Da se obezbijedi nesmetan pristup i redovno vrši održavanje obala i korita vodotoka na mjestima ispusta iz glavnih gradskih kolektora.
- 2.6. Da se, od korisnika prilikom izdavanja odobrenja za priključak na gradsku kanalizacionu mrežu, zahtjeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 2.7. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.

2.8. Da se, za vrijeme trajanja ove dozvole, vrši monitoring otpadnih voda na ispustima glavnih gradskih kolektora definisanih tačkom 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

3. Vlasnik, odnosno korisnik objekata je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), obavezan voditi propisane evidencije te nadležnim organima dostavljati propisane obrasce (Obrazac EBS) uz redovno dostavljanje obrasca IV – Mjesečni izvještaj o količini isporučene vode i obračunu EBS-a te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za zaštitu voda.
4. Ispuštanje otpadnih voda u rijeke ne smije ugrožavati postojeći hemijski i ekološki status recipijenta.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
6. U periodu važenja ove dozvole, Korisnik je dužan provoditi sve mjere i aktivnosti propisane istom.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima kanizacionog sistema i mjestima ispusta obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, u skladu sa članom 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, JP «RAD» d.o.o. Lukavac, dana 23.01.2026. godine podnesen je ovoj Agenciji zahtjev za izdavanje vodne dozvole za privremeno ispuštanje komunalnih otpadnih voda iz javne kanalizacije, sa područja urbanog područja grada Lukavca, u prirodni recipijent.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Rješenje o izmjeni podataka broj: 032-0-Reg-24-000956 od 04.07.2024. izdano od Općinskog suda u Tuzli – ovjerena kopija;
- Uvjerenje o registraciji poreznog obveznika od 14.03.2019. izdano od Porezne uprave - Kantonalni ured Tuzla – ovjerena kopija;

- Uvjerenje o registraciji/upisu u Jedinostveni registar obveznika indirektnih poreza, broj: 04/1—17-1-UPJR/1-1943-2/19 od 27.03.2019. godine, izdatog od strane Uprave za indirektno-neizravno oporezivanje – ovjerena kopija;
- Izvještaj o monitoringu kvaliteta i kvantiteta otpadnih voda, 05.01.2026. godine, TQM d.o.o. Institut za kvalitet, standardizaciju i ekologiju;
- Operativni plan interventnih mjera u slučaju incidentnih zagađenja J.P. „RAD“ d.o.o. Lukavac;
- Dokaz o uplaćenju upravnoj taksi.

Uvidom u dostavljenu dokumentaciju utvrđeno je ista nepotpuna te da ovaj organ nije mogao postupiti po podnesenom zahtjevu. Dopisom broj: UP-1/21-3-40-020-2/26 od 28.01.2026. godine zatraženo je od podnosioca zahtjeva da podnesak upotpuni u roku do 20 (dvadeset) dana.

Podnosilac je dana 24.02.2026. godine dostavio dopunu dokumentacije, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22 izvršen je obilazak ispusta otpadnih voda iz glavnih kolektora i tom prilikom sačinjen zapisnik o uviđaju broj: UP-1/21-3-40-020-4/26 od 12.03.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće: Registrirani ispusti, za koje je prilikom uviđaja ocijenjeno da su značajniji, navedeni su u tački br. 1 rješenja.

Za prikupljanje i odvodnju fekalnih i oborinskih voda na urbanom području izgrađen je kanalizacioni sistem, najvećim dijelom mješovitog tipa. Komunalno preduzeće upravlja sa ukupno 140 km distributivne mreže, 85 km priključnih vodova i oko 65 km kanalizacione mreže različitih profila.

Kanalizacioni sistem Lukavac – glavni kolektori u gradskom području izljevaju se u recipijent rijeku Spreču. Ispust koji se nalazi uz magistralni put Tuzla-Doboj M4, u krugu „Sisecam Soda“ d.o.o. Lukavac pored Gradskog groblja Lukavac prikuplja cca 40% otpadnih voda iz urbanog područja. Ovaj kanal je oblikom potkovičasti betonski kanal dimenzija 1400/2100 mm, dok ispust koji je pozicioniran na desnoj obali rijeke Spreče, između „Koksara“ d.o.o. i magistralnog puta Tuzla-Doboj M4 prikuplja cca 60% otpadnih voda i profil je DN600 mm.

Navedeni ispusti predstavljaju privremene ispuste do izgradnje postrojenja za tretman gradskih otpadnih voda.

U prethodnom periodu, JP „RAD“ d.o.o. Lukavac i Grad Lukavac su pokrenuli izradu odgovarajuće projektne dokumentacije s ciljem trajnog rješavanja odvodnje oborinskih i otpadnih voda u gradu Lukavcu. Ovom projektnom dokumentacijom je definisana lokacija uređaja za prečišćavanje otpadnih voda.

U skladu sa ranije izdanom vodnom dozvolom vršen je monitoring recipijenata — rijeke Spreče, na ispustu broj 2. U narednom periodu je potrebno vršiti monitoring i na ispustu broj 1.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnim lokacijama ispusta otpadnih voda u prirodni recipijent a u svrhu smanjenja negativnih uticaja predmetnih aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva JP „RAD“ d.o.o. Lukavac, ispunio minimum uslova za dobivanje vodne dozvole za ispuštanje otpadnih voda iz javne

kanalizacije, sa područja urbanog područja grada Lukavca, u prirodni recipijent, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) utvrđene su obaveze u tački 5. dispozitiva ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Adnan Bašić, dipl.inž.građ.

Po ovlaštenju
Rukovodilac sektora za izdavanje vodnih akata



Dostaviti:

- JP „RAD“ d.o.o. Lukavac, ul. Partizanski put bb, 75300 Lukavac
- ⊖ AVP Sava, ISV – Vodna knjiga;
- Sektor 50,
- Sektor 40, arhiva
- oglasna ploča AVP – Sava